



Inatsisartunut ilaasortamut
Mimi Karlsen
Inuit Ataqtigiit

01-10-2025
Suliap normua
2024 - 10523
All. il.
25806074

Postboks 260
3900 Nuuk
Oqa. (+299) 34 50 00
Nass. (+299) 34 66 66
E-mail: ijap@nanoq.gl
www.naalakkersuisut.gl

Naartunaveersaatinik spiralilersuisimaneq pillugu § 37 nr. 168_2025 naapertorlugu apeqquimmut akissut

Asasara Mimi Karlsen.

Apeqqutinnut qujanaq. Apeqqutit tullinnguuttut ataasiakkaarlugit assileneqarsimapput, akissutininik tullegarlutik.

1. Inuit nammineq piumassuserinngisaminnik spiralilersorneqarsimasut, taakkunungalugu aappaasut ilaqutaasullu oqaloqatiginninnissaat ikiorneqarnissaallu pillugit Naalakkersuisut periarfissiiniarpat?

Arnat piffissami 1965-1975 piumassuserinngisaminnik naartunaveersaatinik spiralilersorneqarsimasut oqaloqateqarsinnaanissaannut tarnikkullu katsorsarneqarsinnaanissaannut periarfissat ammaanneqareernikuupput. Inulerivimmi – siuliatigut Inulerinermut Immikkoortorta qarfiusoq – ulloq 23. maj 2023 aallarnefigalugu arnat akuersissuteqaratik naartunaveersaatinik spiralilersorneqarsimasut katsorsarneqarlutik oqaloqateqarsinnaanissaat pillugu neqeroorfigineqarnikuupput.

Maannakkuungallartoq naartunaveersaatinik spiralilersuisoqarsimaneranut atatillugu aappaasunut imaluunniit ilaqutaasunut allanut oqaloqateqarnissamut tapersersorneqarnissamullu immikkut neqeroorutininik pilersitsisoqarnikuunngilaq – taamatullu aamma Inulerivimmi. Ikiuiniarneq arnanut eqqugaasunut siunniussaavoq, naak qanigisaasut aamma sunnerneqarsinnaanerit nalunnginneqaraluartoq. Qanigisaasunut neqerooruteqarnissamut pilersaarutit pillugit nalunaartoqarnikuunngilaq. Taamaattorli erseqqissarneqassaaq qanigisaasut ikiorneqarnissamut, oqaloqateqarnissamut siunnersorneqarnissamullu Tusaannga saaffigiuannarsinnaammassuk.

2. Pisariaqartitsisunut ikiorsiisinnaanermik Naalakkersuisut periarfissiissappata, Naalakkersuisut danskit naalakkersuisui suleqatiginiarpat?

Inulerivimmi katsorsarneqarnissamut periarfissanut atatillugu danskit naalakkersuisuinik suleqateqarnissamik pilersitsisoqarnikuunngilaq.

Naartunaveersaatinik spiralilersuisimaneq pillugu arlaannaanulluunniit attuumassuteqanngitsumik qulaajaanermut aamma tamatumunnga tunngatillugu katsorsarneqarnissamik neqeroorutiginninnermut



atatillugu Peqqissutsimut Inunnullu Innarlutilinnut Naalakkersuisoqarfik imatut allappoq:
"Naartunaveersaatinik spiralilersuisimaneq pillugu suliap aallartinneraniilli Naalakkersuisut ataavartumik
danskita naalakkersuisuinik oqaloqateqartarput, ilaatigut suliatigut ilinniarsimasunik
oqaloqateqarsinnaanissamik qulakkeerinninnikkut. Naalakkersuisut ullormi 9. September 2025
tusagassiorfinnut nalunaarutaat "Spiralilersuisimaneq pillugu arlaannaannulluunniit
attuumassuteqanngitsumik misissuinermik tigusineq tamanullu saqqummiussineq", kiisalu ullormi tassani
Nunamut namminermut Peqqissutsimullu ministereqarfiup tusagassiorfinnut nalunaarutaat malillugu
allaqqavoq arnat Kalaallit Nunaanni aamma Danmarkimi najugallit tarnikkut ikiorneqarnissaannut,
oqalutseqarnissamik periarfissaqarluni neqeroorfigineqartut. Maluginiaqquneqarpoq neqeroorutit taaneqartut
eqqugaasut arnat taakkununngalu uiusut ataatsimut atorsinnaagamikkit. Neqeroorutit arnanut eqqugaasunut
sammitinneqarput, kisianni aamma aappariittut saaffiginnittoqarsinnaavoq."

Inussiarnersumik inuulluaqqusillunga

Mads Pedersen